

râ alimenti cùm sit redacta in minimas particulas, & cum minimis aliorum elementorum particulis ita unita, & fermentata, si sic loqui possim, ut sensu nullo appareat: quidni fuerit in chylo etiam talis?

Hoc declaro exemplo, accepto à cineribus lignorum. Quemadmodum terra in mistione lignorum tam exquisitè est permista cum reliquis elementis, ut non magis occurrat sensibus, quàm reliqua: tamen, cum ligna comburuntur, tam non latet illa sensum, ut cineres etiam copiosos constituat: ita heic etiam.

Amplius, exemplo pinguedinum. Quemadmodum terra in illis tam latet, ut nemo ostendere illam possit; tamen cum pinguedo uritur, ostendit se satis copiosè in fuliginibus: ita heic etiam.

Dum enim alimentum à calore animalis resolvitur in minimas particulas, & tantum non *αιασιχθῆται*: non potest non superesse, quod terreum est, sed in minimorum minoribus particulis.

Iam igitur crassum hoc, neque tam formidolosum est, neq; tam superbum, ut, ni pateat amplissima janua, periculum audeat intentare. Quod ut credas, si induci his non potes, accipe etiam hæc alia *ἐν τῷ εἰσοίῳ*.

I. Cras-